

Guangjisi Minzcu Bau

ganhhau: CN45-0036 B.2018 Nd.2 Ng.14 liggaueq dingyoux nienz ndwenlab ngeihgouj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3312期

Yizcouh: Doicaenh Hong Ndaw-biengz Yungh Sawcuengh

宜州:推进壮文社会应用工作

Bi 2017, Hozciz Si Yizcouh Gih doenggvaq haiguh aen hozdung baenz-dauq geiqniemh Gozvuyen baecinj 《Fueng'anq Sawcuengh》 60 hopbi, gyagiengz ligdoh senhconz gij cwngcwz saw vah minzcu dangj caeuq guekgya, giengzvaq le ndawbiengz yungh Sawcuengh, ndaej daengz vunzbiengz haenh.

It dwg yungh siu si gaij gih guh seizndei, fatok ciznwnz cozyung, cienzmienh doeksaed fapdingh danh-vei goengcieng, gepbaiz yungh Cuengh Gun song cungj saw, caemhcaiq vih dangicwnz gihgvanh caeuq ndawbiengz gak hangz daezhawj fanhoiz fugsah mbouj aeu cienz. Daengz bi 2017 ndwen 12 daej, youq Hozciz Si

Minzyijvej haenqrengz haeujcoengh lajde, gungh vih fapdingh danhvei caeuq ndawbiengz gak hangz daezhawj fanhoiz Sawcuengh aenyaenq, gepbaiz 4000 lai diuz.

Ngeih dwg yungh haiguh geiqniemh Gozvuyen baecinj 《Fueng'anq Sawcuengh》 60 hopbi guh seizndei gibseiz comz rengz, youq singzgi, gihgvanh, yanghcin, hagdangz, lajmbanj haiguh aen hozdung baenz-dauq geiqniemh Gozvuyen baecinj 《Fueng'anq Sawcuengh》 60 hopbi. Guh fuk hwnzgfuz senhconz miz Cuengh Gun song cungj saw 15 fuk, venj youq singzgi, gihgvanh, yanghcin, hagdangz; guh fuk hwnzgfuz senhconz iq miz Cuengh Gun song

cungj saw 20 fuk, venj youq gwnz aen dennauj guhhong mbangj gihgvanh danhvei; daengz hagdangz, lajmbanj haiguh geiqniemh Gozvuyen baecinj 《Fueng'anq Sawcuengh》 60 hopbi denyngi cuengqing hozdung, gungh cuengqing 10 ciengz, bouxyawj 3000 lai boux.

Doenggvaq haiguh aen hozdung baenzdauq geiqniemh Gozvuyen baecinj 《Fueng'anq Sawcuengh》 60 hopbi, Hozciz Si Yizcouh Gih giengzvaq ligdoh senhconz gij cwngcwz saw vah minzcu dangj caeuq guekgya, coicaenh le daengx gih ndawbiengz yungh Sawcuengh.

(Vangz Ging)

Sanhgyangh: Angqhoh Laeuzheiq Guhbaenz Coux Ciengmoq



三江: 戏楼庆典迎新春

Ndwen 2 ngoenz 10, Sanhgyangh Duncuz Swciyen Bazgyangh Cin Nganzgyoz Cunh Mbanjgaulung banh aen gingdenj angqhoh laeuzheiq guhbaenz, gyoengq vunz lai mbanj henzyawj doxcomz giz ndeu, yungh dohyeh, ngaizbakranz caeuq aenvenz caijdangz daengj minzsuz hozdung lai yiengh angqhoh laeuzheiq guhbaenz, angqoux ciengmoq daeujdaengz. Geij bi neix daej, aen yienh neix haenqrengz doicaenh vwnzva bangfuz leih beksingq gunghcwnz, haenqrengz gyavaiq hwnjguh gij giekdaej sezsih lajmbanj. Ndaw doz dwg gyoengq beixnuengx Duncuz doxcomz gwn ngaizbakranz.

(Gungh Bujganh/龚普康)

Liujcouh Si Hong Fugsah Fanhoiz Sawcuengh Cingzcik Yienhda

柳州市壮文翻译服务成绩显著

Bi 2017 doxdaej, Liujcouh Si boughmonz guhhong minzcu vah minzcu, it fuengmienh nyinhcaen senhconz gvancez doeksaed gij gvidingh Swcigih Yinzminz Cwngfuj mizgven yungh Cuengh Gun song cungj saw raiz gepbaiz, goengcieng danhvei, hawj haujlai danhvei youq vuenh caeuq guh gepbaiz goengcieng moq seiz gagrox yungh Cuengh Gun song cungj saw; lingh fuengmienh roengzrengz daezsang gij suijbingz fugsah fanhoiz vah saw minzcu, yiemzgek ciuq gij gveihfan fanhoiz

Sawcuengh, ginggvaq fanhoiz, haed-doiq, cosaemj, gij hong hoj fanhoiz lij bauqsoengq Swcigih Minzyijvej Fanhyizcu saemjhaed, guh daengz gibseiz cinjdeng vih gak mizgven danhvei daezhawj fugsah fanhoiz Sawcuengh, aeundaej cingzcik yienhda. Bi 2017 ndwen 1 daengz ndwen 12 daej, vih Liujgyangh Yen gaij gih gvendaengz danhvei fanhoiz coh Sawcuengh 330 gep baiz caeuq 230 aen goengcieng. Daengx bi lij vih daengx si danhvei wnq fanhoiz gepbaiz, goengcieng Sawcuengh 120

gep(aen), vih gvendaengz danhvei yungh Cuengh Gun song cungj saw raiz diuz senhconz byauhyij caeuq hoihciengz diuz hoihbiu fanhoiz baenz Sawcuengh 318 diuz(fuk). Doenghgij baizbenj, goengcieng caeuq senhconz byauhyij neix yungh Cuengh Gun song cungj saw raiz, yienh'ok le gvancez doeksaed minzcu cwngcwz, doed ok gij daegsaek minzcu cawjdaej Guengjsae, swnjcienz fatyienz le gij vwnzva vah minzcu.

(Liz Yinzci/李云驰)

SIUSIK DINJ

简讯

● Ndwen 2 ngoenz 8 banhaemh, Lungzswng Gak Cuz Swciyen banh aen vanjvei lienzvuen ndwencieng bi 2018, vanjvei cezmu neiyungz caenciet hawj vunz gamjdoengh, gig miz Lungzswng deihfueng daegsaek, yienh'ok gij funghcaij gak minzcu Myauz Yauz Dung Cuengh Gun. 《Seizdaih Moq Lungz Mbin》《Ak Le! Guek Raeuz》《Lajmbanj Angqyangz》 daengj cezmu ndei yawj doxlwnz hwnjdaiz, ndaej daengz bouxyawj haenh.

(Vuz Yij)

● Geij bi neix daej, Gunghcwnz Yauzcu Swciyen baengh gijndei diuz gauhdez Gveicouh Guengjsae, haenqrengz hwnghat lajmbanj lijyouz, coicaenh bouxguhnaz dangdieg laisou. Bi 2017 aen yienh neix gyoebesuenq ciepdaih bouxhek 265.3 fanh vunzbaez, doengzbeij gyalai 50%, saedyienh lijyouz siuhfei 29 ik maenz, doengzbeij gyalai 48%.

(Liengz Veih)

● Geij bi neix daej, Lozcwnz Mulaujcu Swciyen gaemdawz gij seizheiq "gosangh baihdong senj baihsae", aeu canjnieb nonsei liedbaenz gij canjnieb daegsaek youqgaenj bang bouxguhnaz vut gungz baenz miz, gyalai bangfuz hwnghat, hawj de baenz canjnieb youqgaenj Lozcwnz ndawde cungj he. Bi 2017, aen yienh neix 11 aen yanghcin hwnghat ndaem gosangh mienhcik daengz 6.65 fanh moux, ndaej reh nonsei 21.53 fanh rap, bouxguhnaz mbanjbya Mulauj ndaem gosangh ciengx nonsei souhaej mauhgyaq 4.5 ik maenz.

(Mungz Cwnghsw)

Daengq Beixnuengx

Ndwencieng cuengqgyaj, geiz bauqcej ndwen 2 ngoenz 21 mbouj ok lo. Hoh gyoengq beixnuengx vuenvuen heijheij gvaq cieng! Ndaw bi moq ndangrengz yienghyienh guh baenz!